


APRESENTADA A PROPOSTA DAS GREEN EIGHT

PARA UMHA CONSTITUIÇÃO DA UE MAIS VERDE

Xosé Maria Garcia Villaverde*

Desde o passado mes de Outubro, os Estados-membro da UE e os países de próxima incorporación están a negociar, sobre o borrador aprobado pola Convenção Europeia, a futura Constituição da UE, que será submetida a referéndum em Junho de 2004. As Green 8, as oito grandes organizações ambientais europeias, apresentáron em Agosto o documento que, co título Cara umha Constituição Verde da UE, recolle as suas propostas de emendas ao borrador de Carta Magna. A versom en galego pode-se ler em www.adegagaliza.org.



Desde o passado mes de Outubro, os Estados-membro da UE e os países de próxima incorporación están a negociar, sobre o borrador aprobado pola Convenção Europeia, a futura Constituição da UE, que será submetida a referéndum em Junho de 2004. As Green 8, as oito grandes organizações ambientais europeias, apresentáron em Agosto o documento que, co título Cara umha Constituição Verde da UE, recolle as suas propostas de emendas ao borrador de Carta Magna. A versom en galego pode-se ler em www.adegagaliza.org.

A elaboraçom dumha Constituição para a União Europeia supom a criaçom dum fito fundacional, um momento que deveria ser de máxima deliberaçom e participaçom cidadá, umha ocaçiom imelhorável para a reflexom sobre qual é a Europa e o Mundo que queremos. Sem embargo esta oportunidade semelha estar a ser desaproveitada, chegando à cidadania pouco mais do que as disputas sobre quotas de poder dos Estados e o debate sobre a inclusom dumha alusom às raízes cristás de Europa. Pretenderán reduzir o papel da cidadania à

simples participaçom num referéndum no que só poda optar entre o si ou o nom à futura Carta Magna da UE? Desde logo, essa é a impressom que dá, e nom parece o melhor modo de construir nada... Laiarám-se despois pola escasa participaçom nas eleiçoms europeias? Voltaremos escoitar que existe umha funda preocupaçom polo pouco interese que a cidadania amosa cara todo o que representa a UE?

Qualquer que seja a intençom das elites políticas europeias, o facto de que umha proposta de Constituição da UE vaia ser apresentada e submetida a referéndum abre umha estrutura de oportunidade favorável ao debate e mobili-

Aprobar umha constituição da UE deve ser umha oportunidade para o debate e a mobilização da sociedade civil. A proposta das Green 8, centra-se na democracia participativa como elemento essencial do desenvolvimento sustentável, o reforçamento do Parlamento Europeu, a abolição do Tratado Euratom e a sustentabilidade

zaçom no seio da sociedade civil arredor de toda umha série de temas de interese que, dum ou doutro modo, serán afectados polo futuro texto constitucional: sustentabilidade, justiça social, paz, democracia, direitos civis...

A proposta das Green 8, apresentada de forma singela e atrainte, pode-se ler em inglês e francês em www.eeb.org, e, traduzida ao galego, em www.adegagaliza.org. O documento recolle umha série de "sugestons simples, realistas e concretas" dirigidas à Comissom Europeia e o Parlamento Europeu, aos governos e membros dos Paramentos dos Estados implicados e a qualquer pessoa

interesada na promoçom da melhora do ambiente e o desenvolvimento sustentável dentro e fora da UE. Centra-se na democracia participativa —"elemento essencial do desenvolvimento sustentável"—, o reforçamento do Parlamento Europeu, a aboliçom do Tratado Euratom —co que se instituiu a Comunidade Europeia da Energia Atómica e que é integrado no borrador da Constituição— e a sustentabilidade —tanto com propostas relativas à políticas sectoriais da UE, como apoiando, com aportaçoms próprias, a iniciativa da Comissomada Wallström de engadir um Protocolo de Desenvolvimento Sustentável—, entendendo, ademais, que o desenvolvimento sustentável nom é possível sen justiça social.

As Green 8 já apresentaram posicionamentos conjuntos perante os tratados de Maastricht, Amsterdam e Niza, e venhem achegando propostas em comum á Convenção desde o começo dos seus trabalhos. Aliás, as Green 8 fam parte do mais amplo Grupo de Contacto da Sociedade Civil, integrado por ONGs para o desenvolvimento, ambientais, de direitos humanos e sociais, assi como pola Confederaçom Europeia de Sindicatos. O Grupo de Contacto, que elaborou propostas sobre desenvolvimento sustentável e democracia participativa, está a levar adiante a campanha Act4Europe (www.act4europe.com).

*Xosé Maria Garcia Villaverde é Vocal de Pacifismo e Globalizaçom de ADEGA

Nota:

As Green 8 som Birdlife International, Climate Action Network Europe, European Environmental Bureau (EEB, da que forma parte ADEGA), Friends of the Earth Europe, International Friends of Nature, Greenpeace International, The European Federation for Transport and Environment e WWF-World Wild Fund for Nature.